



BOSNA I HERCEGOVINA – БОСНА И ХЕРЦЕГОВИНА – BOSNIA AND HERZEGOVINA
FEDERACIJA BOSNE I HERCEGOVINE – ФЕДЕРАЦИЈА БОСНЕ И ХЕРЦЕГОВИНЕ –
FEDERATION OF BOSNIA AND HERZEGOVINA

JAVNA USTANOVA CENTAR ZA EDUKACIJU SUDIJA I TUŽILACA
JAVNA USTANOVA CENTAR ZA EDUKACIJU SUDACA I TUŽITELJA
ЈАВНА УСТАНОВА ЦЕНТАР ЗА ЕДУКАЦИЈУ СУДИЈА И ТУЖИЛАЦА
PUBLIC INSTITUTION CENTRE FOR JUDICIAL AND PROSECUTORIAL TRAINING OF FBiH



Broj: 01-14-564-01/16
Sarajevo, 29.11.2016.

Na osnovu člana 69. stav 2.) tačka e.) i stav 3.), u vezi sa članom 70. stav (1) i stav (4) Zakona o javnim nabavkama Bosne i Hercegovine ("Službeni glasnik BiH", br. 39/14,) direktor Centra za edukaciju sudija i tužilaca u Federaciji BiH (dalje: Centar) d o n o s i

O D L U K U

O PONIŠTAVANJU POSTUPKA JAVNE NABAVKE – HOTELSKE USLUGE NA PODRUČJU GRADA SARAJEVA I OPĆINE ILIDŽA

I

Poništava se postupak dodjele ugovora iz Aneksa II Dio B Zakona o javnim nabavkama za pružanje hotelskih usluga za održavanje seminara i poslovnih događaja u organizaciji Centra na području Grada Sarajeva i Općine Ilidža, pokrenut po Odluci broj: 01-14-564-01/16 od 01.11.2016.godine.

II.

Poziv za dostavu ponuda u postupku javne nabavke iz člana I ove Odluke oglašen je na internet stranici Centra 01.11.2016.godine.

III

Postupak se poništava iz razloga što su cijene svih prihvatljivih ponuda znatno više od osiguranih sredstava za predmetnu nabavku i zbog dokazivih razloga koji su izvan nadzora ugovornog organa i koji se nisu mogli predvidjeti u vrijeme pokretanja postupka javne nabavke.

IV

Ova odluka stupa na snagu danom donošenja i dostaviti će se svim ponuđačima koji su učestvovali u predmetnom postupku javne nabavke.

O B R A Z L O Ž E N J E

U skladu sa Planom nabavki za 2016. godinu, na osnovu Odluke broj: 01-14-564-01/16 od 01.11.2016.godine., Komisija za javne nabavke Centra za edukaciju sudija i tužilaca u FBiH, imenovana Odlukom broj: 01-14-49-01/16 od 29.01.2016.godine, provela je postupak dodjele ugovora o uslugama iz Aneksa II Dio B Zakona o javnim nabavkama za nabavku hotelskih usluga za potrebe održavanja edukativnih aktivnosti u organizaciji Centra na području Grada Sarajeva i Općine Ilidža.

Poziv za dostavu ponude u predmetnom postupku javne nabavke pripremljen je u skladu sa Planom javnih nabavki za 2016. godinu, što uključuje i procijenjenu vrijednost ugovora. U periodu donošenje odluke o provođenju postupka javne nabavke za hotelske usluge na području Grada Sarajeva i Općine Ilidža i pripreme Poziva za dostavu ponuda ovaj Centar je, prema informacijama od nadležnih organa, očekivao donošenje rebalansa budžeta Federacije BiH kojim bi se osigurala sredstva za izvršenje ugovora u zadnjem kvartalu 2016. godine. Kako tijela nadležna za usvajanje rebalansa nisu usvojila ovaj dokument u vrijeme otvaranja ponuda, konstatovano je da, imajući u vidu ponuđene cijene, raspoloživa sredstva na budžetskoj stavci 613900, ne osiguravaju izvršenje ugovora u predmetnom postupku.

Takodjer, prema Programu stručnog usavršavanja sudija i tužilaca za 2017. godinu, koji je u formi nacrtu usvojen na sjednici Upravnog odbora ovog Centra, planiran je povećan broj edukativnih aktivnosti koji će se realizirati u 2017. godini u odnosu na 2016. godinu, što će rezultirati potrebom za korištenjem hotelskih usluga u većem obimu, a posljedično zahtjeva povećanje procijenjene vrijednosti ugovora za hotelske usluge u skladu sa sredstvima koja će Centru biti na raspolaganju u budžetu za 2017. godinu.

U vezi sa navedenim, cijeneći da su cijene prihvatljivih ponuda znatno više od osiguranih sredstava za predmetnu javnu nabavku, te da se u obzir moraju uzeti i dokazivi razlozi koji su izvan nadzora ugovornog organa (radi se o odlukama koje donose druga tijela) i nisu se mogli predvidjeti u vrijeme pokretanja postupka javne nabavke, Komisija predlaže direktoru Centra da donese odluku o otkazivanju predmetnog postupka javne nabavke, te da, u skladu sa raspoloživim budžetskim sredstvima u 2016. godini donese odluku o javnoj nabavci hotelskih usluga na području Grada Sarajeva i Općine Ilidža kojim će se osigurati realizacija aktivnosti Centra do 31.12.2016. godine. Istovremeno predlažemo da se, nakon usvajanja Programa stručnog usavršavanja sudija i tužilaca i programa početne obuke za 2017. godinu, odobravanja Programa od strane VSTV BiH i usvajanja Budžeta Federacije BiH za 2017. godinu, izvrši procjena vrijednosti javne nabavke hotelskih usluga u Gradu Sarajevu i Općini Ilidža i javna nabavka planira u Planu javnih nabavki za 2017. godinu.

Kako je članom 69. stav 2.) tačka e.) Zakona o javnim nabavkama normirano da je ugovorni organ obavezan poništiti postupak javne nabavke u slučaju da su cijene svih prihvatljivih ponuda znatno više od osiguranih sredstava za predmetnu nabavku, a istim članom, stav 3.) normirano da ugovorno tijelo može otkazati postupak javne nabavke zbog dokazivih razloga koji su izvan nadzora ugovornog organa i koji se nisu mogli predvidjeti u vrijeme pokretanja postupka javne nabavke, direktor Centra odlučio je kao u dispozitivu.

Pouka o pravnom lijeku

Na ovu Odluku dozvoljena je žalba na osnovu člana 97. Zakona o javnim nabavkama.

Žalba se podnosi u dovoljnom broju primjeraka koji ne može biti manji od tri na adresu ugovornog organa: JU Centar za edukaciju sudija i tužilaca u Federaciji BiH, ul. Halida Nazečića br.4, 71000 Sarajevo



Dostaviti:

- Ponuđačima
- Odsjeku za finansijske, pravne i opće poslove
- Arhiva